

REGLUGERÐ**um sérstök togveiðisvæði samkvæmt lögum nr. 118****31. desember 1984.**

1. gr.

Þrátt fyrir ákvæði B. F. og G. liðar 3. gr. laga nr. 81 31. maí 1976, er öllum skipum heimilt að stunda veiðar með botnvörpu á eftirgreindum veiðisvæðum og tímum.

- A. Í Héraðsflóa, frá 15. ágúst 1985 til 31. desember 1985, frá línu réttvísandi aust-norðaustur af Bjarnareyjarvíta að línu réttvísandi aust-norðaustur af Ósfles (65°37'8 N, 13°55'3 V) utan línu, sem dregin er í einnar sjómílu fjarlægð frá fjörumarki meginlandsins.
- B. Utan Breiðafjarðar, frá 1. september 1985 til 31. desember 1985, norðan 65° og utan fjögurra sjómílna frá línu, sem dregin er úr Öndverðarnesvíta í Bjargtanga (65°30'2 N, 24°32'1 V). Að norðan markast svæðið af línu dreginni réttvísandi í vestur frá Bjargtöngum.
- C. Fyrir Vestfjörðum, frá 1. september 1985 til 31. desember 1985, utan línu, sem dregin er 8 sjómíllur utan viðmiðunarlínu samkvæmt lögum 81/1976, frá línu, sem dregin er 317° réttvísandi frá Óshólavita í Ísafjarðardjúpi. Norðan línu, sem er dregin 317° frá Óshólavita norður um að 22°44'0 V, eru togveiðar með botnvörpu heimilaðar utan fjögurra sjómílna frá viðmiðunarlínu.

2. gr.

Brot gegn reglugerð þessari varðar refsingu samkvæmt ákvæðum laga nr. 81 31. maí 1976, um veiðar í fiskveiðilandhelgi Íslands með síðari breytingum.

3. gr.

Reglugerð þessi er sett samkvæmt ákvæðum laga nr. 118 31. desember 1984, um breytingar á lögum nr. 81 31. maí 1976, um veiðar í fiskveiðilandhelgi Íslands til þess að öðlast þegar gildi og birtist til eftirbreytni öllum þeim sem hlut eiga að máli.

Sjávarútvegsráðuneytið, 6. ágúst 1985.

F. h. r.

Árni Kolbeinsson.

*Jón B. Jónasson.***REGLUGERÐ****um breytingu á reglugerð nr. 335 18. maí 1983****um sölu og veitingar áfengis.**

1. gr.

5. gr. orðist svo:

Afgreiðslutími útsölastaðanna skal aldrei vera lengri en almennra verslana.

Útsölastaðirnir skulu vera lokaðir á helgidögum þjóðkirkjunnar, á laugardögum og aðfangadag jóla. Ennfremur skulu útsölastaðirnir lokaðir þá daga, er almennar kosningar til Alþingis og sveitarstjórna fara fram, svo og sumardaginn fyrsta, 1. maí, 17. júní og fyrsta mánudag í ágúst.

2. gr.

2. og 3. mgr. 8. gr. orðist svo:

Áfengis- og tóbaksverslun ríkisins skal semja verðskrá yfir útsöluverð áfengis á veitingastað. Á hverjum veitingastað, þar sem leyfðar eru áfengisveitingar, skal liggja frammi verðskrá, sem gestir eiga aðgang að, um verð á þeim áfengistegundum, sem þar eru á boðstólum. Skal í verðskránni miðað við það, að endanlegt verð veitinga til neytenda standi ávallt á heilli krónu, þannig að verðið hækki eða lækki í þá fjárhæð samkvæmt almennum reglum. Á veitingastað skal með sama hætti liggja frammi verðskrá um verð á öðrum veitingum, (mat og óáfengum drykkjum), sem þar eru á boðstólum.

Áfengisskammtur skal miðaður við 3 cl. Nota skal eingöngu mælitæki sem hlotið hafa löggildingu. Óheimilt er að framreiða öl, sem áður hefur verið blandað áfengi.

3. gr.

1. mgr. 11. gr. orðist svo:

Veitingamönnum, sem hafa með höndum veitingar áfengis, er skylt að gæta þess, að veitingar og umgengni séu með menningarbrag. Veitingamönnum er þannig skylt að gæta þess að óáfengir drykkir séu jafnan fram bornir þegar boðnir eru áfengir drykkir. Ber þeim að gæta þess, að veitingahús þeirra fullnægi ávallt þeim skilyrðum, sem í áfengislögnum eru sett fyrir því, að þeir geti öðlast leyfi til áfengisveitinga.

4. gr.

Reglugerð þessi, sem sett er samkvæmt áfengislögum nr. 82 2. júlí 1969, öðlast gildi 15. september 1985.

Dóms- og kirkjumálaráðuneytið, 9. ágúst 1985.

Jón Helgason.

Þorsteinn Geirsson.

REGLUGERÐ

um breyting á reglugerð nr. 206 17. apríl 1984 um gatnagerðargjöld í Reykjavík.

Ákvæði til bráðabirgða hljóða svo:

Til 1. janúar 1989 skulu eftirfarandi ákvæði gilda:

Eigendur eignarlóða, aðrir en þeir sem borgarstjórn hefur gert sérstakan samning við, handhafar leigulóða og lóðarhafar lóða, sem borgarstjórn hefur úthlutað fyrir gildistöku reglugerðar þessarar, en hafa enn ekki fengið leigulóðarsamning, geta sótt um nýbyggingar, stækkanir og breytingar húsa til byggingarnefndar skv. nýtingarhlutfalli samþykks aðal- eða deiliskipulags. Gatnagerðargjald greiðist þennan tíma hvorki af eignarlóðum né leigulóðum, sem borgarstjórn hefur úthlutað fyrir 1. janúar 1959. Á tímabilinu 1. janúar 1988 til 31. desember 1988 skal greiða ½ gatnagerðargjald af eignarlóðum og lóðum, sem borgarstjórn hefur úthlutað fyrir 1. janúar 1959, en eftir 1. janúar 1989 skal greiða af þeim fullt gjald.

Af öðrum lóðum, sem borgarstjórn hefur úthlutað, skal greiða gatnagerðargjald skv. því rúmmetragjaldi, er gildi þegar úthlutun fór fram eða þeim skilmálum, er úthlutun fylgdu.

Felli byggingarnefnd úr gildi byggingarleyfi húss, byggingaráfanga eða stækkunar, skv. ákvæðum byggingarreglugerðar gr. 3.4.6., 1. mgr., eftir 1. janúar 1989 skulu gilda ákvæði 5. gr. reglugerðar þessarar.